



O'ZBEKISTON RESPUBLIKASI PREZIDENTINING QARORI

2021 yil «25» oktyabrь

№ПК-5267

Аҳоли ва иқтисодиёт тармоқларини табиий ва суюлтирилган газ билан барқарор таъминлаш чора-тадбирлари түғрисида

Аҳоли ва иқтисодиёт тармоқларини табиий ҳамда суюлтирилган газ билан барқарор таъминлаш ҳамда ушбу ресурслар нархи кескин ўсишининг олдини олиш, шунингдек, соҳанинг инвестициявий жозибадорлигини ошириш мақсадида:

1. 2021 йил 1 октябрдан бошлаб юридик шахслар томонидан Ўзбекистон Республикасига **импорт қилинган табиий газни реализация қилишда акциз солиғининг ноль фоизлик ставкаси белгилансин.**

2. Белгилансинки:

2022 йил 1 январдан бошлаб ишлаб чиқарувчи корхоналар томонидан сотиладиган **суюлтирилган газга акциз солиғи солинмайди;**

тадбиркорлик субъектларига табиий ва суюлтирилган газни Ўзбекистон Республикасига импорт қилишда қўшилган қиймат солиғини **120 кунгача муддатга** фоизлар ҳисобланмаган ва унинг тўланишини таъминлаш талаб этилмаган ҳолда, **кечикириб (бўлиб-бўлиб) тўлаш ҳуқуқи берилади.**

3. Қуйидагилар:

табиий газни, шунингдек, аҳолига суюлтирилган газни реализация қилиш тартибга солинадиган тарифлар (нархлар) бўйича амалга оширилиши;

табиий газни, шунингдек, аҳолига суюлтирилган газни унинг сотиб олиш нархидан (таннархидан) паст нархда реализация қилишда, солиқлар қонунчилик ҳужжатларида белгиланган тартибда ваколатли органлар томонидан белгиланган нархдан келиб чиқиб ҳисобланиши маълумот учун қабул қилинсин.

4. Молия вазирлиги манфаатдор вазирлик ва идоралар билан биргаликда 2021 йил 1 декабрга қадар мазкур қарордан келиб чиқиб, Солиқ кодексига ўзгартыш ва қўшимчалар киритишни назарда тутувчи қонун лойиҳасини Вазирлар Маҳкамасига киритсин.

5. Мазкур қарорнинг ижросини самарали ташкил қилишга масъул ва шахсий жавобгар этиб энергетика вазири А.С. Султанов белгилансин.

Қарор ижросини муҳокама қилиб бориш, ижро учун масъул идоралар фаолиятини мувофиқлаштириш ва назорат қилиш Ўзбекистон Республикаси Бош вазири А.А. Арипов зиммасига юклансин.

Ўзбекистон Республикаси
Президенти



Ш. Мирзиёев

Тошкент шаҳри